

貴州政報

no. 8

八月下旬出版

第八

貴州政報

零售每份五分	
本埠每月一元二角	
外埠每月一元五角	
廣告費另議	
訂閱半年七元	
訂閱一年十二元	
郵費在內	
總發行所：貴州省政府	
印刷所：貴州印刷廠	
地址：貴陽市	
電話：二二二	
發行人：王正廷	
編輯：王正廷	
印刷：王正廷	
發行：王正廷	
總發行所：貴州省政府	
印刷所：貴州印刷廠	
地址：貴陽市	
電話：二二二	
發行人：王正廷	
編輯：王正廷	
印刷：王正廷	
發行：王正廷	

而

類目

(一) 省議會咨請建祠

各案

請建清道員興義劉公專祠

(二) 政府命令

(三) 部咨

(四) 軍署公文

(五) 本署公文

通令各縣嚴禁濫罰

通令各校限制停課應酬

據報桐梓縣學務情形令

懲戒息烽縣挪用稅款指令

核銷王裕泰上訴案指令

據報甕安縣清理義穀指令

大塘縣補送已執行舊案供詞指令

劉槐雲控案迅予擬結指令

核明女子師範講習科簡章指令

據送自種茶葉並製法指令

(六) 各機關文牘

通令各局嚴禁賭博

通令飭查前發遵義縣仿製各種官紙

式樣遵照辦理

催繳都勻中學欠款令

據報賠繳義穀情形指令

驅逐羅甫然等邪教指令

暫停通俗講演指令

呈送貧民工藝所簡章指令

改編警察隊請委隊長指令

訂定門牌編號細則令

(七) 法規

(八) 圖表

(九) 批告

貴州高檢廳批五件

貴陽地審廳批四件

貴陽地檢廳批二件

(十) 判牘

判決銓順和等款項涉訟案

(十一) 代佈

陸軍測量局咨一件

(十二) 附錄

歷代吏治要

貴

州

政

報

省議會請咨建祠各案

貴州省議會咨

民國八年五月

咨據紳民代表鄒瓊等呈送劉公事略冊請建議轉咨建立專祠由

爲咨請酌撥省款建立專祠以隆崇報而順輿情事案據紳民代表鄒瓊等請願建議轉咨建立已故前清道員劉公官禮專祠一案到會當經開會協議僉謂查劉公幼習詩書以名士而作名臣長嫺韜略以名臣而爲名將值國家之多故遂功德之常新是蓋臥牛蟠地飛鳳凌空鍾碧雲丹霞之秀應人傑地靈之奇較之陳忠之擢同知守城著績宗魯之遷巡撫平賊多功尤爲傑出之英賢宜隆馨香之酬報當前清末葉巨寇如林公以在籍員紳蕩平游匪渡江子弟底定黔邊尤復創練鄉兵執干戈以衛社稷振興學校申孝弟以重人文比郤穀之將軍更爲敦詩說禮擬祭遵之征虜愈見雅歌投壺是故仁人光風霽

貴州政報

月之懷儒將輕裘緩帶之度當夫風聲鶴唳草木皆驚而省治燕安牂牁無恐者皆公之獨當其衝作長城於萬里克肩大任支砥柱於中流也氣吞漢家之赤幟肯教鄴下黃鬚血染使君之紅袍瑞兆乘陰青蓋迨至身騎箕尾尤覺氣壯河山今雖物換星移風微人往而勲德常垂謳思不已問七百萬之同胞齊聲墮淚詢八十縣之父老異口同辭本會代表輿情職司建議正擬銘勳勒石樹羊叔子之碑紀念鑄銅標馬伏波之柱方將據事直陳咨達政府庶幾有功則祀以妥英靈茲據該紳民等請願前來本會覆查無異自應據情轉咨并請由本省征收鹽商捐存欸項下酌撥的欸擇地興工以隆崇報而順輿情再本會前咨請建立吳上校傳聲戴上將戡熊少將其勲胡總兵錦棠諸公專詞爲日已久均未准及時興修當此西南護法之時尤宜表彰忠藎以崇廟食而勵來茲自應併案咨請一併酌撥省欸列入八年度預算送會核議尅日興工經衆可決除答復外相應將願書副本并事略冊備文咨請

貴州政治報

貴省長請煩查照辦理并希

見覆實紉公誼此咨

貴州省長劉

計咨願書副本一件事略册一本

附願書

具請願書貴州全省

紳民代表

鄒瓊等爲呈請建議賜咨建祠事竊維清故道

員劉公統之者經學世裔將種名家鳳文龍質標瑞世之禎符鰲負鵬飛擅匡
時之偉略既玉季金昆聚一門之朱霞白鶴復文經武緯作邊防之砥柱重關
溯當清季同光之間烏合四起鷗陣橫排我黔興義一區爲滇黔之門戶當粵
桂之要衝以致勁敵糾紛匪勢將成席捲羽檄交馳我危已甚環攻餉饉斷而
援接空軍旅弛而烽烟迫逐驚主簿之聞雞乃見書生於戎馬我公於此時也
乃營堅壁壘窮匪技於猱升野斷餽糧致匪飢於獸困率珂鄉子弟之兵作錦

貴

州

政

報

塹縱橫之戰卒剪鯨鯢而敵愾竟殲蛇豕以騰歡遂使民情安堵衆志成城萑
苻焰燼竹帛勳成以陳忠守城之功兼宗魯平賊之績倘當日者剿除未先於
一方將糜爛已及乎全局矣此我公靖難之功卹民之義不可以泯沒者也當
興邑之兵禍連年也賴公英武獲底於平然而烏弋性悍駒支地僻怒則獸而
喜則人遠則張而近則伏雖云兵氣已消櫓槍盡掃何能金甌自破弓矢齊瘳
我公知武備之不可不修也乃討軍實而申儆勉士卒以橫涕備旗鼓於郊野
田疇布行陣於川原水隰聚投石拔距之夫同衽金革招引關蹶張之士共執
干戈屯田之計旣美籌邊之策尤良方面寄干城無殊魏公之留守雄才資遏
敵居然定遠之名揚三令著而狼野清七德彰而梟心息使萬家之鷄犬無驚
者賴百勝之熊羆可恃也此我公安邊障省禦患儲材之功不可以泯沒者也
邇來民國革新海宇沸騰或則芒飛妖焰或則曜含狼弧或效鳳英之謀擘或
作朝文之煽毒社鼠憑墟包禍心而窺神器城狐據穴思豆剖而釀瓜分我軍

貴

州

政

報

府以正義之不可不伸也乃率紀律之師而作攘匡之舉烏巢之伐五六出虎穴之搜一再經果也指途而邊鄙革心按甲而兇渠俛首凡諸查牙之醜胥如累卵之傾護國援川大義懷乎千古禽獮草薶兵威振乎一行推茲每戰必克之功何莫非十年養士之效乎衛鄉衛省衛國曾文正之鄉兵戡大亂如斯而已榮身榮家榮嗣沐國公之將門崇廟食豈不宜哉此我公以軍功世其家以武勇蓄其衆之利我鄉邦奠我民國其功不可以泯沒者也稽古之立功異域宣力明時者或剖虎符而圖麟閣或榮冠蓋而列鼎鐘如姑師既定趙促野之穹碑障日交趾既平馬伏波之銅柱排空斯誠古之制也然而今何取乎爰集我父老昆弟籌所以妥公之靈酬公之庸以式後世而勵當時者僉以祠祀之爲宜誠以祠廟之成馨香之系也當年鉄甕將淪獨任血雨腥風之苦此日金甌永奠敢忘春祈秋報之隆苟丹荔黃蕉存誠慤乎俎豆將雲車風馬得想像乎靈明矣惟是祠武肅王於錢塘江邊湖山生色供范老子於岳陽樓裏風景

貴

州

政

報

增輝允宜擇明秀之名區乃足爲几筵之重地竊以我鰲磯魚灣之間小西湖別饒綺纒東山南嶽而外觀風台獨具崢嶸且也營柳陰深洲杜花明樓閣插天鄂文端之雙柱鎔鉄祠堂臨水漢丞相之大鼓敲銅凡茲好水好山至足留名賢名蹟也況具封章而入告早經衆庶迫切之輸忱應請指正帑以興工則爲貴會主張之是賴從此鳳麓龍山靈爽仰雲雷之護鷗汀蟹含悲弔極烟水之情實紉表彰之雅誼俾成忠藎之遺型除繕具劉公事略以備查攷外謹呈貴州省議會公鑒

劉公事略冊

公姓劉氏諱官禮字統之貴州興義縣人前清誥授光祿大夫雲南即補道原籍湖南寶慶府邵陽縣自曾祖泰元公遷黔之興義縣祖文秀父明揚字燕山母王氏皆世居於城治東南七里之下五屯堡內

前清道光二十一年辛丑七月十九日吉時生昆弟四人公行列三伯兄官箴

貴

州

政

報

字銘之仲兄官霖字時之季弟官德字懋之皆生有大志戰功昭著

咸豐初年公入小學公少時性最孝友不苟言笑穎悟異常入學讀書不事詞章記誦之末善書法不數年羣經讀畢兼喜閱古人治軍之事

七年丁巳公年十六歲受業於廖繼藩先生治性理學通左氏春秋

八年戊午公年十七歲從學官江表東先生學愈有精進舍童子試不應

九年己未公年十八歲滇叛軍寇縣附近各寨逃亡殆盡銘之公率團禦賊公與時之公隨父居守各團敗績時之公奉母先入城公獨奉父不肯行繼奉父命到府就讀

十年庚申公年十九歲翼王石達開將由桂入黔經縣境公偕鄉人避亂省垣途遇匪急以路費付從人隻身潛行至省時之公亦繼至聞石勢盛同行者皆泣公獨奮然曰使我邑不保我誓殺賊何作兒女子態爲耶會銘之公率團會官軍擊石走遂歸里

貴

州

政

報

十一年辛酉公年二十歲是年冬蕭夫人來歸公復從江表東先生學燕山公見四方多事集鄉人爲堅壁清野計命公兄弟就下五屯建石堡上游以築堡抗大股賊匪實始此銘之公認籌欸公與時之公寢食不遑晝夜督工以此廢讀

同治元年壬戌公年二十二歲是年堡將告成則匪已擾亂興義各屬貞豐普安安南皆陷於匪官兵失利興義府縣亦相繼陷落縣城失守時在九月三十日也難民多來歸者以堡工資賑多所保全先是安義鎮總兵趙德昌公見匪勢日盛屢戰不利引兵退保省城約公弟兄同行公曰興義雖小地阨三省咽喉舍而棄之恐滇粵黔匪聯爲一氣圖之實難苟竄入內境吾黔大局不可收拾矣兼築堡之謀倡自吾家弟兄今捨衆人而去是不義也如鄉黨何趙壯之乃自去無何賊由縣城出悉衆攻堡公弟兄與鄉人約誓死禦賊命家人實火藥於室爲不守自焚計復斃匪數百賊乃退嚴守下五屯籌備恢復縣城之策

貴州政報

同治二年癸亥公年二十二歲聯合滇粵民團仗義援助約期會師恢復縣城屆時各團愆期不至以衆寡不敵攻城不利公與銘之公皆受重創時之公勇鬪南門身被重傷尤奮呼搏戰殺賊百餘偕義士三十餘人死之時在五月七日

同治三年甲子公年二十三歲是年二月初五日克復縣城緣上年失敗後至是復招集各團整軍再戰聯營逼城相持八九月每日轉戰賊糧空敗走城乃復乘勝進攻規復興義府城公部將又克復貞豐安南等縣來降者以數十計至是興義各屬始少安靖

四年乙丑公年二十四歲回賊復叛潛結滇回將兩面來犯銘之公偕懋之公至捧鮓籌防滇回曾賄通守備李鳳才計戕銘之公困懋之公公聞耗稟諸大府率軍討之鳳才移其咎於張某殺以謝衆重賄縣令朦蔽大府未正其罪公因計出懋之公奉銘之公柩回葬尋興義府知府李公保衡三上李鳳才好狀

冤始白

貴

州

政

報

五年丙寅公年二十五歲滇將林自清帥師至縣託言規復府城知縣陳公世鎮閉門不納林怒欲攻公懼激變苦心調停移陳軍下五屯又計激林與賊戰不利敗回公出抵賊據馬別橋賊繞逼城公先驅入城林謀害公擄居民而去公偵知飭部下率居民同避下五屯公率親軍百餘徒步斷後林不得逞遂擄不及避者千數百家而遁賊乘之城再失公與懋之公與賊血戰不三日而城再復追至馬別橋僞帥馬仲率大股賊至公距大龍井馬別橋各處率軍壘响水新場濫潭等處相持廿餘日晝夜戰屢獲奇勝因勞致病懋之公代領其衆鏖戰又數十日屢挫賊鋒公病痊回營懋之公遁出奇繞襲賊營賊驚潰擒斬至六千餘級大府嘉其功以懋之公署左營游擊公保同知命總辦五屬團務民以城屢失不敢居公移家城中爲之先民乃集命懋之公率師討李鳳才圍捧鮓慮猛攻傷居民休兵旬餘計擒斬之

貴州政報

六年丁卯公年二十六歲率師剿賊酋戴秉義匪酋狄有魁結滇匪四千餘襲居烏紗得耗潛師擊之夜行八十里有魁大敗據堡以拒圍旬餘堡破擒斬數百有魁雜亂軍中遁之滇依樂三虎戴秉義復邀黔回率大股爲有魁援北至楓塘公率輕騎三百餘人夜行七十餘里襲破賊黑山大寨賊驚潰公擊之正衆寡懸殊天忽大雨霧咫尺不見人賊不知虛實狂奔追至滇境沙營賊後援至復大敗之斬馘極多焚賊營十餘聞父病歸旋丁外艱哀毀骨立不能成禮四方感其忠孝會葬者以數萬計

七年戊辰公年二十七歲墨衰治軍會滇團張旭中剿阿弊匪酋樂三虎巢將破戴秉義賺踞馬別橋公秘不使衆聞催兵猛進立破賊巢黔匪勾結滇匪暨下游苗匪謀大舉時滇垣被圍於賊黔垣兵力僅自保難兼顧公與懋之公分出拒戰互有勝負終以衆寡不敵退守下五屯縣城三失賊復分攻四鄉營寨惟東鄉未下賊圍下五屯堡數匝勢張甚時公部不滿三千人晝夜搏戰氣不

貴

州

政

報

少衰遣人說西林鄉紳葉正邦勇五千餘由坡脚進窺府城潞城團紳曾珠浦率粵團五千餘由八渡進窺貞豐更說降回酋馬經魁襲新城以牽賊勢稟滇督劉公嶽昭退賊後請以葉爲新郡守曾爲貞豐牧馬爲安義鎮總兵均得許各路並進賊聞耗遁伏兵擊鄉團咸反正助戰殲賊以萬計城三復乃率師圍納省討戴秉義躬自督戰砲穿左足鎮靜如恒步行里餘始乘輿歸營懋之公督兵繼之秉義出降願立功自贖爲稟大府許之

八年己巳公年二十八歲剿西鄉匪首朱二茯苓及滇屬阿弊匪酋樂三虎擒斬之公以內患漸平乃養精蓄銳謀規復府城並命部將鍾占魁率兵三千人解普安廳圍時滇黔兵大集屢爲賊創鍾至休息一日審地勢次日出戰破賊營十七城圍解

九年庚子公年二十九歲安義鎮總兵楊公聯桂興義府知府葉公定邦率師來會請於大府命公統領府及本部各軍規復府城新城以滇紳同知張旭中

貴

州

政

報

副之五日公遣副將呂調陽紮魯屯鍾占魁紮萬屯圖新城自與張旭中直取府城前鋒屢獲奇勝抵本哨距府城三十里遣部將謝清恩說降府屬東鄉從賊各團使夾攻新城悍賊來援公潛至萬屯遣軍襲取賊交那大寨距新城亦僅三十里賊大恐以重賄龍廣各邑夷寨使助已復調貞豐安南普安各老賊譚五受楊九等來援公偵知其情殺龍廣夷目王連生殲其悍黨千餘獲僞旗僞印數十件出奇計懸重賞大挫賊鋒獲賊間牒稱戴秉義將叛斷我糧道歸路遂調鍾占魁守龍廣自歸布署後路夷寨復應賊圍攻我軍失三營公聞警馳救至正屯知要隘盡失調各軍退守馬別橋

十年辛未公年三十歲公以滇黔各匪將次肅清遣紳耆乞滇黔大府會師剿興郡各屬回匪自願捐助軍糧大府許之以湘黔二省軍由永甯進克安南滇軍由興邑進直趨府城公選精銳千餘人爲滇軍先導府城克之時四月日也各軍糗糧無乏公之力爲多以公擢知府賞戴花翎是日會同各軍圍攻新

貴

州

政

報

城新城居興郡各屬爲回逆老巢糧足械多悍賊死守拒戰各軍幾二萬人日有傷亡未敢逼城而營公軍至連戰皆捷直抵城下爲營賊不敢犯督辦吳公德溥就而問計公獻奇策欲誘攻之免頓兵堅城吳以太險不用相持數月賊始降

十一年壬申公年三十一歲以平新城功加道銜奏留雲南

十二年癸酉公年三十二歲奉雲貴總督劉公嶽昭調至滇時岑襄勤公剿杜文秀於迤西調赴前敵總督以省垣乏知兵人不肯遣會新城楚兵變戕統領周時武謀取府城總督命回籍督辦瀕行而叛練已平乃止

十三年甲戌公年三十三歲請咨赴引抵廣東適友人葉正邦因公受累將破產以資假之至都資不濟反粵留粵近一年遨遊香港佛山各地藉稔時局

光緒元年乙亥公年三十四歲回里適母病遂告終養決計不仕躬耕奉母
八年壬午公年四十二歲滇督劉武慎公約公赴滇公以法越事起欲有所建